

ხელშეკრულება მომსახურების შესყიდვაზე № 60-7-113-516

ქ.თბილისი

17. 06. 2013წ.

I. მხარეები

წინამდებარე ხელშეკრულება დადებულია 2013 წლის 17 ივნისი, ერთი მხრივ სს „საქართველოს სახელმწიფო ელექტროსისტემას“, (შემდგომში „შემსყიდველი“) წარმოდგენილი მისი რეაბილიტაციის მმართველის სულხან ზუმბურიძის სახით და მეორეს მხრივ შპს „მეტროლოგი“ (შემდგომში „მიმწოდებელი“) წარმოდგენილი მისი დირექტორის ლევან ნანობაშვილის სახით, შორის, რომლებიც მოქმედებენ საზოგადოების წესდებისა და მოქმედი კანონმდებლობის საფუძველზე.

II. ხელშეკრულების საგანი

- 2.1. „მიმწოდებელი“ იღებს ვალდებულებას გაუწიოს „შემსყიდველს“ სხვადასხვა დასახელების ხელსაწყოების დაკალიბრების მომსახურება.
- 2.2. დანართი №1 (გასაწევი მომსახურების ხარჯთაღრიცხვა) წარმოადგენს წინამდებარე ხელშეკრულების განუყოფელ ნაწილს.

III. მომსახურების ღირებულება და ანგარიშსწორების პირობები

- 3.1 ხელშეკრულების საერთო თანხა შეადგენს 762 (შვიდასსამოცდაორი) ლარს დღგ-ს ჩათვლით (შემდგომში – „ხელშეკრულების ღირებულება“).
- 3.2. ანგარიშსწორება განხორციელდება ფაქტიურად გაწეულ მომსახურებაზე გაფორმებული მიღება-ჩაბარების აქტისა და საგადასახადო ანგარიშფაქტურის წარმოდგენიდან 10 (ათი) კალენდარული დღის ვადაში.
- 3.3. მომსახურების ღირებულების ანაზღაურება ხორციელდება უნაღდო ანგარიშსწორების ფორმით.

IV. მხარეთა უფლება-მოვალეობები

- 4.1. „შემსყიდველი“ იღებს ვალდებულებას აუნაზღაუროს „მიმწოდებელს“ ფაქტიურად გაწეული მომსახურების ღირებულება ხელშეკრულების პირობებში ასახულ ვადებში და ფორმით.
- 4.2. „შემსყიდველი“ უფლებამოსილია „მიმწოდებლისგან“ მოითხოვოს სრული ინფორმაცია შესასრულებელი მომსახურების მიმდინარეობის შესახებ.
- 4.3. „მიმწოდებელი“ მომსახურებას ასრულებს „შემსყიდველის“ წერილობითი მოთხოვნით განსაზღვრული მოცულობის შესაბამისად.
- 4.4. „მიმწოდებელი“ ვალდებულია წერილობით აცნობოს „შემსყიდველს“ მოცემული ხელშეკრულების ფარგლებში დადებული ყველა ქვეკონტრაქტის შესახებ და წარმოადგინოს მათთან დადებული ხელშეკრულების ასლები.
- 4.5. ამ ხელშეკრულების ფარგლებში დადებული არც ერთი ქვეკონტრაქტი არ ათავისუფლებს „მიმწოდებელს“ ხელშეკრულებით გათვალისწინებული მატერიალური ან სხვა ვალდებულებებისაგან. საბოლოო ურთიერთობა „შემსყიდველსა“ და „მიმწოდებელს“ შორის ხორციელდება ამ კონტრაქტით განსაზღვრული პირობებით.
- 4.6. „მიმწოდებელი“ ვალდებულია ხელსაწყოების დაკალიბრების მომსახურება განახორციელოს არსებული კანონმდებლობის და წესების დაცვით.
- 4.7. დაკალიბრების დასრულების შემდეგ „მიმწოდებელი“ ვალდებულია გასცეს შესაბამისი სერთიფიკატი. „მიმწოდებელი“ პასუხისმგებელია სერთიფიკატით გათვალისწინებული მონაცემების სისწორეზე.

V. მომსახურების გაწევის ვადა და ადგილი

5.1 მომსახურების გაწევის ვადაა: დანართი #1-ით (გასაწევი მომსახურების ხარჯთაღრიცხვა) განსაზღვრული 1-ლი და მე-3 პოზიციიდან მე-9-ს ჩათვლით – „შემსყიდველის“ წერილობითი მოთხოვნის მიღებიდან და დასაკალიბრებელი ხელსაწყოების „მიმწოდებლის“ ლაბორატორიაში მიტანიდან 10 (ათი) სამუშაო დღის ვადაში, მისამართზე: ქ. თბილისი, ბ.ხმელნიცკის ქ. #181.

5.2 დანართი #1-ის (გასაწევი მომსახურების ხარჯთაღრიცხვა) მე-2 პოზიციისათვის მომსახურება უნდა განხორციელდეს „შემსყიდველის“ ქიმიურ ლაბორატორიაში, „შემსყიდველის“ წერილობითი მოთხოვნის მიღებიდან 3(სამი) სამუშაო დღის ვადაში მისამართზე: ქ. თბილისი, ნაკადულის #2.

VI. მხარეთა პასუხისმგებლობა

6.1 „მიმწოდებლის“ მიერ მომსახურების დაგვიანებით გაწევის შემთხვევაში, „მიმწოდებელი“ მოვალეა გადაიხადოს პირგასამტეხლო ხელშეკრულების ღირებულების 0,1% ოდენობით ყოველ ვადა გადაცილებულ კალენდარულ დღეზე ხარისხიანი მომსახურების სრულად გაწევის დღემდე.

6.2 „მიმწოდებლის“ მიზეზით მომსახურების არასრულად, ან საერთოდ არ გაწევის შემთხვევაში, „მიმწოდებელი“ მოვალეა გადაიხადოს პირგასამტეხლო ხელშეკრულების ღირებულების 0,1% ოდენობით ყოველ ვადა გადაცილებულ კალენდარულ დღეზე ხელშეკრულების შეწყვეტის დღემდე.

6.3 ამ ხელშეკრულების 6.1 და 6.2 პუნქტით გათვალისწინებული პირგასამტეხლო „მიმწოდებელს“ გადასახდელად დაერიცხება აგრეთვე იმ შემთხვევაში თუ „მიმწოდებლის“ მიერ გაწეული მომსახურება დაწუნებულია ან ხარვეზებით არის შესრულებული, წუნდებული ან ხარვეზიანი მომსახურების მაგივრად ხარისხიანი მომსახურების გაწევის დღემდე.

6.4. ხელშეკრულებით გათვალისწინებული ვალდებულებების ცალმხრივად შეუსრულებლობისათვის მხარეებს ეკისრებათ ვალდებულება აანაზღაურონ მიყენებული ზარალი სრული მოცულობით საქართველოს კანონმდებლობით დადგენილი წესით. ზარალის ანაზღაურება ან მისი მოთხოვნა არ აჩერებს ამ მუხლით გათვალისწინებულ პირგასამტეხლოს დარიცხვას.

6.5. „მიმწოდებლის“ მიერ „შემსყიდველისათვის“ მომსახურების საერთოდ არ გაწევის შემთხვევაში იგი ვალდებულია „შემსყიდველს“ ერთჯერადი ჯარიმის სახით გადაუხადოს თანხა 80 (ოთხმოცი) ლარის ოდენობით.

6.6. „შემსყიდველი“ უფლებამოსილია გაწეული მომსახურების ღირებულების ანაზღაურებისას გამოეყენოს (შეამციროს ანაზღაურება) ამ მუხლით გათვალისწინებული და „მიმწოდებელზე“ დარიცხული პირგასამტეხლოს თანხა.

6.7. წინამდებარე ხელშეკრულებით განსაზღვრული მომსახურების სრულად არშესყიდვის შემთხვევაში „შემსყიდველს“ პასუხისმგებლობა არ ეკისრება.

VII. ხელშეკრულების შესრულების კონტროლი

7.1 „შემსყიდველს“ ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი „მიმწოდებლის“ მიერ ნაკისრი ვალდებულებების შესრულებაზე.

7.2 ხელშეკრულების შესრულების კონტროლს „შემსყიდველის“ მხრიდან უზრუნველყოფს სსე-ს ქიმიური განყოფილების უფროსი ნანა ყიასაშვილი.

7.3 კონტროლი განხორციელდება გაწეული მომსახურების ხარისხისა და მიწოდების ვადების შესაბამისობით ხელშეკრულების პირობებთან.

VIII. შესყიდვის ობიექტის მიღება-ჩაბარების წესი

- 8.1 გაწეული მომსახურების მიღება განხორციელდება ფაქტიურად გაწეულ მომსახურების მიხედვით შესაბამისი მიღება-ჩაბარების აქტის გაფორმებით.
- 8.2 მომსახურების მიწოდებისას „შემსყიდველის“ მიერ წინამდებარე ხელშეკრულების 7.2 ქვეპუნქტით განსაზღვრული პირი ამოწმებს გაწეული მომსახურების შესაბამისობას წინამდებარე ხელშეკრულების პირობებთან, ხარვეზების (წუნდების) არ არსებობის შემთხვევაში ფორმდება მიღება-ჩაბარების აქტი ფაქტიურად გაწეული მომსახურების მიხედვით „შემსყიდველსა“ და „მიმწოდებელს“ შორის.
- 8.3 გაწეული მომსახურების მიღების დროს აღმოჩენილი ხარვეზების (წუნდების) შემთხვევაში „შემსყიდველი“ ვალდებულია ოპერატიულად, წერილობითი სახით აცნობოს „მიმწოდებელს“ სათანადო ხარვეზების შესახებ (წუნდების არსი).
- 8.4 ხარვეზების აღმოჩენის შემთხვევაში „მიმწოდებელი“ ვალდებულია 10 (ათი) სამუშაო დღის განმავლობაში თავისი ხარჯებით გამოასწოროს ხარვეზი.

IX. ფორს-მაჟორი

- 9.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.
- 9.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მათ შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით და სხვა. ფორს-მაჟორის არსებობის საკმარის დამადასტურებელ საბუთად მხარეები განიხილავენ შესაბამისი სავაჭრო – სამრეწველო პალატის მიერ გაცემულ სათანადო ცნობას.
- 9.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

X. ურთიერთობა მხარეებს შორის

- 10.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით, რომელიც ხელმოწერილი უნდა იყოს ხელმძღვანელობაზე ან /და წარმომადგენლობაზე უფლებამოსილი პირის მიერ. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელ.

ფოსტით (წერილის სკანირებული ვარიანტი) ან ფაქსის გაგზავნის გზით, შემდგომში ორიგინალის მიწოდების პირობით.

10.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

XI. ხელშეკრულების პირობების შეცვლა და/ან ვადამდე მოშლა

11.1 ამ ხელშეკრულებაში ნებისმიერი ცვლილება და/ან დამატება შეიძლება შეტანილი იქნეს მხარეთა წერილობითი შეთანხმების საფუძველზე.

11.2. ხელშეკრულება შეიძლება ვადამდე მოიშალოს:

11.2.1. მხარეთა შეთანხმებით;

11.2.2. ერთ-ერთი მხარის განცხადებით მეორე მხარის მიერ ხელშეკრულებით გათვალისწინებული პირობების არსებითად დარღვევის შემთხვევაში;

11.3 “შემსყიდველს” შეუძლია ხელშეკრულება ვადამდე შეწყვიტოს:

11.3.1. თუ “შემსყიდველისათვის” ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

11.3.2. “მიმწოდებლის” გაკოტრების შემთხვევაში;

11.3.3 თუ მისთვის ცნობილი გახდება, რომ “მიმწოდებლის” მიერ მოწოდებული ინფორმაცია ყალბი აღმოჩნდება, რაც „შემსყიდველის“ მხრიდან მის მიმართ ნდობის დაკარგვის საფუძველს იწვევს;

11.3.4. საქართველოს კანონმდებლობით გათვალისწინებულ სხვა შემთხვევებში.

11.4 ამ მუხლის 11.3 პუნქტში მითითებულ შემთხვევებში “შემსყიდველი” ვალდებულია აუნაზღაუროს “მიმწოდებელს” ფაქტიურად გაწეული მომსახურების ღირებულება.

11.5 შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა.

XII. ხელშეკრულების შესრულების შეფერხება

12.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამოძწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

12.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

XIII. დავათა განხილვა

13.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა მოლაპარაკებების მეშვეობით, შეთანხმებით მოაგვარონ ნებისმიერი

უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

13.2 თუ ასეთი მოლაპარაკების დაწყებიდან 30 (ოცდაათი) კალენდარული დღის განმავლობაში მხარეები ვერ შესძლებენ სადაო საკითხების შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს სასამართლოს.

XIV. ხელშეკრულების მოქმედების ვადა

14.2. ხელშეკრულება ძალაში შედის მხარეთა მიერ ხელმოწერისთანავე და მოქმედებს 2013 წლის 31 დეკემბრის ჩათვლით.

XV. ხელშეკრულების სხვა პირობები

15.1 ხელშეკრულება შედგენილია ქართულ ენაზე ორ ეგზემპლარად და ყოველ მათგანს გააჩნია თანაბარი იურიდიული ძალა.

15.2 ამ ხელშეკრულებით გათვალისწინებულ შემთხვევებში, მხარეები მოქმედებენ საქართველოში მოქმედი კანონმდებლობის თანახმად.

15.3 წინამდებარე ხელშეკრულებით გათვალისწინებული პირობები შესასრულებლად სავალდებულოა მხარეთათვის და მათი შესაბამისი სამართალმემკვიდრეებისა და უფლებამონაცვლეთათვის. დაუშვებელია წინამდებარე ხელშეკრულებით გათვალისწინებული ვალდებულებების გადაცემა სხვა მხარისათვის მეორე მხარის წინასწარი წერილობითი თანხმობის გარეშე.

15.4 წინამდებარე ხელშეკრულებით გათვალისწინებული პირობები წარმოადგენს კონფიდენციალურ ინფორმაციას და არ უნდა მოხდეს მათი გამჟღავნება სხვა მხარისათვის, გარდა კანონმდებლობით გათვალისწინებული შემთხვევებისა.

15.5 წინამდებარე ხელშეკრულება დადებულია 2013 წლის 7 მარტის საქართველოს მთავრობის #53 დადგენილებით დამტკიცებული სს „საქართველოს სახელმწიფო ელექტროსისტემის“ მიერ ელექტროენერგიის გადაცემა-დისპეტჩერიზაციის შეუფერხებლად განხორციელებისათვის საჭირო საქონლის და მომსახურების შესყიდვების სპეციალური წესის მე-6 მუხლის მე-2 პუნქტის ა) ქვეპუნქტის შესაბამისად.

XVI. მხარეთა რეკვიზიტები

“შემსყიდველი”:

სს „საქართველოს სახელმწიფო ელექტროსისტემა“

ქ. თბილისი, ბარათაშვილის ქ. 2

საიდ. კოდი: 204995176

სს “საქართველოს ბანკის”


ცენტრალური ფილიალი

ბანკის კოდი: BAGAGE 22

ანგარიშის №GE56BG0000000283534100

სულხან ზუმბურაძე

რეაბილიტაციის მმართველი



“მიმწოდებელი”:

შპს „მეტროლოგი“

თბილისი, ბ.ხმელნიცკის ქ. #181

საიდ.კოდი 211397727

სს „კორსტანდარტ ბანკი“

ბანკის კოდი: KSBGGE22

ანგარიში GE32KS0000000004163578

ლევან ნანობაშვილი

დირექტორი



დანართი #1
გასაწევი მომსახურების ხარჯთაღრიცხვა

#	საქონლის / მომსახურების დასახელება	ზომის ერთეული	რაოდენობა	ერთეულის ფასი (ლარი)	საერთო ფასი
1	ნავთობპროდუქტების აფეთქების ტემპერატურის გამსაზღვრელი ხელსაწყო (ПБНЭ) დაკალიბრება	ცალი	1	90	90
2	ლაბორატორიული ციფრული ელ. სასწორი 0.0001 სიზუსტის კლასით (RADWAG-2009) დაკალიბრება	ცალი	1	80	80
3	ვერცხლისწყლიანი თერმომეტრები სხვადასხვა დიაპაზონით დაკალიბრება	ცალი	5	35	175
4	სხვადასხვა მოცულობის ბიურეტები დაკალიბრება	ცალი	3	15	45
5	სხვადასხვა მოცულობის საზომი კოლბები დაკალიბრება	ცალი	3	12	36
6	სხვადასხვა მოცულობის ქიმიური ჭიქა დაკალიბრება	ცალი	10	12	120
7	სხვადასხვა ზომის ცილინდრები დაკალიბრება	ცალი	4	12	48
8	სხვადასხვა მოცულობის გამყოფი ძაბრის დაკალიბრება	ცალი	4	12	48
9	სხვადასხვა მოცულობის კოლბების დაკალიბრება	ცალი	10	12	120
	საერთო ღირებულება დღგ-ს ჩათვლით				762

ხელშეკრულებით გათვალისწინებული მომსახურების ღირებულება შეადგენს 762 (შვიდას სამოცდაორი) ლარს დღგ-ს ჩათვლით.

„შემსყიდველი“:

სს „საქართველოს სახელმწიფო ელექტროსისტემა
სულხან ზუმბურდიძე
რეაბილიტაციის მმართველი



„მიმწოდებელი“:

შპს „მეტროლოგი“

ლევან ნანობაშვილი
დირექტორი

